

草菴公遺集全

RARE
BOOK

Chip

2,219

草菴公遺集卷之一

目錄

詩

亂離中別舍弟胤福不勝悵然寫此一絕以伸別懷詩
書

與家兒書

與忠清道觀察使

姓名缺

書

壬寅

附錄卷之二

教書

賜祭文

柳校理

台佐

以抄啓

筵奏云云

柳葉杯序

柳葉杯銘

柳葉杯詩

柳葉杯跋

建院修禪通文

卓菴公遺集卷之一

詩

亂離中別舍弟胤福不勝悵然寫此一絕以伸別懷

去國同懷抱他鄉又別離干戈靡有定弟兄各何之物色渾愁
態山河只涕垂臨歧無一語相贈好扶持

書

寄家兒書

昨朝尹玉持書及道中禿音村揚口房子持書再到否吾行無
恙夜宿豆毛村今向砥平未知家中安否如何聘家田畝及奴
僕并無知者須及萬同未見時使惡奴或他奴伴送審察幸不
計他事某條善處幸甚想試日在前汝必不暇姑此不宣

與忠清觀察使

姓名

書

壬寅十一月日

冬寒嚴洎伏問拉候何如戀仰戀仰

祐

衰病退伏念暨苟全仍

達悚仄薄庄及奴僕在於貴治下屬縣鴻山今以推奴微貢事
委送迷奴但經變之後奴頑益甚非仗官威無以制服如有所
仰幸復下採特濟伏仰伏仔隔歲阻拜劫於私事敢此仔喋伏
增忸怩伏惟尊下恕謹拜狀

草菴公遺集附錄卷之二

教書

萬曆二十五年丁酉七月二十八日忠清觀察使時

王若曰曠茲忠清一道承畿輔扼湖嶺爲國左臂實惟屏翰之重兵興六載賊在嶠南徵發於是轉輸於是天兵之路於是大軍之駐於是民力之殫竭極矣列邑之殘敗甚矣調度責應之煩承宣經理之責匪其人罔極有濟惟予難其任詢之大臣咸謂卿宜予惟卿自乃父服勞于我先王厥有嘉謨載王室惟家世繼忠勤用能卿訓趾美以敦實謹慎輔予不逮歷敷臺省盖有年矣試理于驪驪人至今思之擢居近密出納惟允攝戶部管糧于湖西能聞朝廷予用是嘉茲授卿本道觀察使兵馬水軍節度使又兼之以巡察使卿其往欽哉嗚呼天不悔禍賊子稔惡閑山之師一潰崔胡之兵鑒矣道內丁壯幾人肝腦子

遺之民又驅之以防戍迫之以運餉鞭之以徭役虐之以賦歛
哀我生民何以堪之以予之故顛連溝壑者未知幾人思之至
此寢固忘而食爲之廢賊鋒通警於海路援截方急天矢屯劄
於境內饋餉已竭今日事勢只在一擲緩之則大事難制急之
則人心先潰到此地頭予亦不能爲卿矣惟在卿剛柔并濟施
措合中事有便宜維當相機改爲更張無或膠柱民之飢寒卿
其衣服飲食之民之疾苦卿其咨諏撫摩之澤未下究者宣布
窮而無告者疏滌予問軍卒之解弛卿宜鍊習予問器械之墮
缺卿宜修繕設驗要害先定控扼之計措置糧餉急救接濟之
策守宰之賢污卿其黜陟之惟其公用命不用命卿即賞罰之
惟其斷曾出入左右維予近臣卿宜徃體予意以生吾民予不
多誥勗卿官通政罪大辟稟予以裁至於臨陣事係軍律則防

禦使節度以下卿其自斷於戲作東南之保障冀追古人之盛
烈壯關輔之藩衛勉成今日之偉蹟故再 教示想宜知悉

御賜祭文

萬曆三十三年乙巳九月十九日
宣廟朝禮曹佐郎李植立

惟靈天賦和厚氣量宏深清操雅望擢秀儒林歷敷臺府人服
孤忠侃符名蕃化行春風内外有績終始無玷逮于寇亂兵餉
不贍才難圉際會舉攸屬關中轉漕河內輓粟焦心殫思髮鬢
渾白授以玉節湖嶺二方棠歌相聞治效益彰引疾還歸休養
故山庶幾或瘳共濟時艱遽報云亡國人驚惻矧予念舊曷勝
悼惜特命宗祝爰舉菲儀幽明一理靈其格思

柳校理

台佐

以抄啓

逕奏時

批答

正廟朝歲己未

批曰柳葉孟 神皇之寵錫陪臣也當與 宣德中所領條環
刀劔同一輝映於下土而至今流落於嶺外泯焉無聞餘二百

年始得知之事非偶然采增寤歎爾既言之亦曾奉玩其盃而
其家尚有徵信之蹟云乎登 筵時詳奏為可

柳葉杯序

故觀察使丁公當萬曆間奉使朝京師天子嘉之特賜資以寵之今丁氏家所用以薦裸獻之盃即彼時所受賜也盃兀爲雙者三其質治之甚精而徃徃有微砂如黍子大脫落成孔扣之鏗鏘有金鐵聲裏面飾以金非玉石則疑鑄銅以成者其制則攢而不圓腹稍張而兩頭漸殺有類柳葉然故名曰柳葉杯云公以恭安公之孫忠靖公之子克篤前烈爵爲時需稟稟有三世公孤之望出疆專對亦公家世職耳當日使价之選固無先於公者但遺事記載公始終除拜頗有年月可考而獨未及奉使事何也抑杯之錫在恭安公父子而傳之以觀察公之世耶若然則今祇守者實觀察公之嗣孫別有大宗爲恭安父子之嫡而杯無與焉是又何也余以所聞公之牧驪州有證

而遺事亦不載即奉使事可推已自古記傳之家常患有遺憾
况遺事成於屢經兵燹之後無恠其有闕漏而今欲一是爲據
疑其非觀察公世者無亦近於臆斷耶知丁氏故事者宜莫如
丁氏之耆而諸長老相與傳說惟謹是足取徵無異辭也公最
後納關東節據資級當以副价或曾以輔行行而今不可考又
未知所幹使事及 恩旨何由誠若可恨然 天子莅中國而
臣四夷所持以撫禦者惟賞與威耳頻笑弊袴皆當有待而發
非公之賢有以當 帝心者豈肯發 天子內府之藏賜下國
陪臣之微而曾不疑恪焉已乎是固 聖天子眷顧東藩之恩
施及其臣庶而亦以見公之能使事也嗟呼當是時中國雖罷
於東征海內固晏然文物衣冠之羨猶是盛際建州未猖獗而
遼薊無梗我人之聘 上國者瘦鴨綠一衣帶水直至應天府

稽首於皇極殿前仰視紅雲紫氣間見天官列侍退而與中朝
縉紳揖讓折旋環珮相合士大夫生於東國者亦可謂大觀矣
而不出五十年天下遂淪沒高皇帝不血食而天球琬琰之
藏皆化而爲紅土孰謂左海偏邦一陪臣之裔能保守舊物於
窮塵浩沕之餘使人有金箱玉盟之感也天下之物存亡成毀
常出於虞度之外其亦可喜而可悲也已自丙子來本朝壓
於氣數不能西向以爭大義匪風下泉之感歷累聖如一日
凡宋氏舊物之流落人間者靡不旁搜而物色之如安東府之
欄幙金栢巖公之大學衍義皆是也如使是盃而登聞乎則其
衣被日月炳烺宇宙何渠不若彼而顧藏而不見使皇朝餘
光丁氏世德沉沒百年物之遇不遇亦天也或者又謂古者大
夫祭二代故今是盃也數止六使世用二帝王之賜不苟然而

已安知其不出於此也丁氏家用以裸獻禮也詩曰永言孝思
孝思惟則又曰子子孫孫勿替引之其丁氏之謂歟觀察公之
嗣孫載熙氏爲四韵詩將以求和於四方屬不佞爲之序不佞
故喜說明家故事於是乎言

教官南野朴 孫慶

故觀察使錦城丁公主祭家有柳葉杯三耦烏衣黃裏玉映金
鏤蓋觀察公西聘時得於 皇朝者也是時 皇朝受命百有
餘年萬邦玉帛風雲合矣一統夷夏日月明矣而其待我國特
厚如大紅衣雲錦牌寵錫諸物固已非前代大國字小之例而
至於六葉寶卮特及於萬里外侯服陪臣之微則其隆遇之意
爲如何也抑使乎之賢有以稱於專對之任而得 聖天子玉
汝昆耶觀察公承累代相國風望仗一時王家重命幹事回奉

是杯來以爲先代裸薦之用其爲忠孝家事蹟顧不偉歟顧今
上下禾百年天地變易日月收輝十九代華夏文物蕩然無遺
而惟是故相臣篋笥中一酒器猶帶 萬曆遺色則凡有秉司
天者目及之疇不膽自鹿也噫常而變氣也而剝而復亦理也
自其變者而觀之固若無反常之期而由其常理而推之亦豈
無陽復之秋乎是物也蓋產於參墟舊壘而入於紫微中宮終
必寄於箕尾東小中華一域而不曾與洛陽之駝沉泗之鼎同
其患難則是果物之偶然而然乎將造化精神不肯受污於陸
沉世界而隱然有扶護使然者在乎夫以一物之故而反隅於
天運之周旋則常變之間其使愚惑也使此杯觀於 萬曆之
前則不過一酒器之微而已今此盃得於 崇禎之後則豈特
爲閭巷私家之寶而已哉余竊悲甲申後中原事蹟微茫今於

丁氏家六葉盃尤有所匪風而悍者茲用書識之謹附 朝家
宣德爐命名之遺義云

叅奉仙溪權

壩

家藏柳葉盃蓋 萬曆遺物也有明 萬曆間先祖觀察公以
宣廟陪臣持節赴京師 天子寵以是盃盃元六葉以爲三
世祿薦用 恩孰大焉但兵燹之餘又從以喪威家乘中記公
履歷頗缺皇華詠歸之年紀使命幹事之根因終未得其詳只
憑家庭世世傳說誠可歎也是盃也產於西蜀蓋蠻獠之底貢
于 王府方物中一小器耳其形如柳葉然故名曰柳葉盃其
色黑其聲鏗其實如玉而如銅裏面塗金其制如爵而如匏兩
邊有耳又有左右間微砂落而成孔今塞之以鉛其一差大如
今之榆葉其次小又其次又小合之爲一物行之爲各器儘異

哉噫古之聖帝明王寵遇使臣者何限而或以金璧焉或以鍾
駟焉只榮其身者夥矣惟茲嘉貺物雖小矣而寵受皇恩用
以標獻則凡我子孫珍愛之心何可與一時金璧之貺鍾駟之
錫較哉矧今中州天地變矣日月晦矣聖天子眷眷東藩之
思十九代清廟東序之撤蕩然而無遺矣匪風之怛下泉之思
舉劫於人心而一隅褊壤六葉古卮獨帶先皇之遺恩殘孫
之世守勿失迄于今數百載則抑天所以壽大明之祀而永
彰吾先王事大之惟恪耶將神物有知預占滄桑世界而直
與花山之欄幙龜城之行義并美於吾嶺也耶是豈偶然而然
哉嗚呼世之慷慨之士覽是物猶擊節而歎汪然而涕則矧余
後孫追遠之感當作何如藏之篋笥永以爲寶而西顧吟哦事
蹟微茫此不肖之所以把杯流涕者也於是焉屬當世之一二

秉筆者既序其事以著厥美不肖又敢作小說而述之詩以求和系之以銘銘曰

雙雙玉桮 天子之償薦之家廟于先之光 天子之恩俾也可忘子孫保之七世之藏藏之彌久永垂無疆

七代孫 載熙

錦城丁公善餘氏語余曰吾家有世傳寶桮名柳葉也者乃皇明神宗皇帝所寵賚吾先祖觀察公者也曾在 萬曆年間公輔使行朝 天而天子有是錫也意者公專對有以愜 帝心不爾則寵異吾 聖王事大惟恪寵及于陪臣也厥色中黃外玄厥材非金非玉叩之鏗然而聲厥制一差大其次較小又其次又較小次次而漸小累小于大合之為一器離之為各器厥樣中豐飽而兩端殺如柳葉樣故名柳葉厥數六先王制禮

大夫祭三代則祔之六也意以爲祫祭三代具爾吾家世以爲
灌薦器及余世已七年且百有六七十猶免於毀傷而遺失幸
也說者謂此非中國產產於庸蜀蓋蠻獠之底貢于王府而
天子以昭德之致于海外執贄之臣也夫產於天下西南之極
隅歸於天下東北之極隅帶天子耿光爲私家寶藏亦奇矣
況今滄海之變易已百有餘年匪風之怛舉劫於人心見宋氏
舊器不能無曠世之感子盍爲之說余聞而潛爲以涕作而曰
公之請是說也有三義焉揚先大夫使乎之美一也彰吾先
王侯度之懿二也闡聖天子懋敬之覃被致九甌八蠻朝聘
貢獻之盛三也恨余之短於詞不能以成公義也然余之所感
于中者則有不容終嘿者噫吾東方百萬億蒼生之得免於染
齒而髡頭者皆萬曆皇帝賜也不幸戊戌撤兵後四十零歲

而神州陸沉 皇明宗社之不血奄過百年而獨吾東一區得
以頭章甫而身衿紳則西顧而吊夫孰無是心哉所以報壇裡
祀肇稱於甲申則緬懷之不可諉也見 萬曆之器寧得無懷
萬曆之感耶矧渚灘再周歲隔一乎不獨公感之吾亦感之
不獨吾感之舉一國且感之不獨一國之臣民感之如使有將
是說而達 銓續者亦必爲之愴然興懷安知不使之進御一
覽如福州之欄幙榮川行義書也耶噫

金弘望

謹按我 肅考御製 皇賜鱗龍衣序其黍離之悲匪風之感
藹然於 宸章之辭奉讀三復不覺戚戚焉潛潛如也於乎可
忘此大報壇之所以設也竊維 皇朝列聖之眷我東藩孰非
隆遇而豈有如 萬曆皇帝之恩禮特厚出尋常萬萬耶鴨水

以東百萬億蒼生之得以免卉服而荼菹者是誰之賜其餘常
典外 恩貺寵錫以表中心好之者不止一再粵若福州之欄
衽幘頭待一國之章甫也龜臺之大學衍義獎使臣之好學也
嘉乃侯度洎我臣士儘殊渥也今丁氏家世傳柳葉杯亦 神
皇所賞賚於觀察公使乎之賢也六葉古器帶 天子之耿光
何等寶也余亦嘗玩是盃矣色似烏犀烏玉而扣之鏗然作金
鐵聲嗚呼異哉苟非如仲尼卞智矢張華識劍氣之明不能名
而稱之也蓋其中腹稍圓張兩頭似尖殺其形有類柳葉故名
之以柳葉杯也厥數六奚哉意者古禮士大夫祭三代則杯宜
用三隻 天子錫之俾以爲祖廟裸薦之具耶抑是盃也受乾
坤陰陽之精而成器也則無乃取六爻之象象六合之數而
爲之六耶是亦未可知也嗚呼皇宋金甌遽作鐵木之器亦刀

天球非復周廟之有惟此三雙寶卮獨不受腥膻中櫬喙之汚而爲小中華俎豆上尊奉之器豈非桮之幸也而古人所謂物亦有數者歟於乎江漢依舊祖宗失路今之執玉者縱欲獲如許舊物爲傳家之寶其可得乎於此益覺茲桮之稀且貴矣爰惜感歎奚獨丁氏家雲仍而已乎哉觀察公曾孫載熙甫爲柳葉桮詩求和於余余感而略爲記以遺之其詳備載諸賢序說中云爾

進士黃履大

物古則橫岐之鼓泗之鼎尚矣我國之於皇明愈久而不能忘以余所覩聞如宣德之刀鈎永嘉之欄幙統閩之八賜鷄林之三寶金氏之鞍郭氏之研俱繫皇朝舊物非直以古而橫丁氏家柳葉桮卽其一也今去觀察公世已八九而遺孫尚寶

藏之爲薦裸用 天府之琬不宜於私廟而不襲而爲飲器于
以享其祖尊祖與敬君其義一也當初義起之禮其暗合於春
秋之義乎前輩敘述已備丁氏要予足之遂步其韻而繼以識
曰嗚呼詩三百篇自皇華四牡至匪風下泉黍離檇琴上下數
十百禩令人可歌而可哭吾知觀察公專對之日即中華盛時
賁价獻酬視此盃以彤弓之賜而今不可復見矣錄中諸詩多
有感於覽物興懷是亦風人之旨也歎悲夫

判書凝窩李

源祚

嗚呼 崇禎以後中原天地陸沉於羊年大月之中入楚之劍
淪泗之鼎邈然無聞而殷之輔嚳魯之維掖已成昆明之劫灰
則 天朝三百年文物更無可論於黃河以北矣幸我 朝宗
門外湖嶺之南丁氏家能守 萬曆之盃 萬曆皇帝之所

賜也噫眞異事也今考其制則其形如柳葉然桮之名柳葉以其形也始者丁氏之先祖觀察公拜受此桮於 皇庭也 天子嘉其陪臣之專對而錫之信義矣而及甘風飄九域霧塞三精東西兩京之片金寸玉盡歸單于之手則大爲天下之所珍而不失 萬曆之本色者獨丁氏之柳葉桮也予乃作而告觀察公七代孫載熙氏曰子之世其器者幾至數百年之久則非但子孫之賢而天所以壽 大明器也子何不以此桮獻之於吾 王以備大報壇將事之具乎載熙氏曰此雖 皇朝之物而先祖受之子孫仍之以爲薦廟之器則此吾家之私也不敢也予曰然則須十襲褻之無使光恠于箕尾之分也或恐中州有望氣者知之耳悲夫醴泉有此桮而東有花山之欄柱北有龜城之行義之三物皆 大明之物而三邑又隣居若鼎足則

天以嶺南作大明之東庑西序矣有志之士寧不淫淫然灑
下泉之淚也予亦皇明之遺民也有感於此而作小說以識
之

告員趙葵陽

錦城丁氏家有寶焉柳葉盃也柸何出萬曆天子賜也萬
曆天子享太平撫四夷也金甌罔缺玉帛咸輳于時我宣廟
使觀察使丁公聘于上國公王立天庭有使乎之風焉於是
天子嘉事大之誠美專對之能特以六顆玉柸命賜之寵示榮
光於萬國諸价之上蓋異恩也公奉而東還以爲祖先裸薦
之用禮也光國榮先而赫然爲忠孝之名家者亦偉矣是柸也
其質烏玉其響金鏗而狀如柳葉故名柳葉固非鸕酌鸕柸之
比也寶孰大焉抑有異焉始出於錦城之地萬里之遠而來入

於天子之府萬里之外而終寄於錦城之丁孰知錦城二字
爲是物始終之基耶噫天地間磅礴一氣鍾於物而是柸出於
天鍾於人而夫子生於海東人與物相得於天下之中帝庭
之上煌煌寶彩永與宣德爐并義於青卮者豈偶然而已耶
自萬曆間而觀之自是一酒器而自崇禎後而觀之真神
物耳是物之東也年未五十而上天醉皇運否十九代中華
文物蕩然無遺於腥膻之風則周鼎漢璽亦不知飄零何處而
惟彼六葉王卮珍藏於左海舊使之家不爲荆棘之泣馳沙漠
之洗杯而超然獨存於滄桑萬變之中閱千劫而無恙焉守
大明之乾坤帶萬曆之日月而烈烈之氣貞貞之姿凜凜若
瘦海之石擲面之杯能使志士于以盛伯夷之薇酌淵明之菊
以叩而歌匪風之詩則非神物而然耶洵乎異矣嗚呼萬曆

天子之恩施豈獨丁氏家而已乎東土而有普受者越在龍蛇
之變 皇靈遠暢 國步再造則天地之德父母之恩永垂萬
世者奚啻一玉盃之賜之恩也哉東國君民感泣更生永矢願
死而時運不幸我有丙子之恥 皇有甲申之變使 列聖天
子不血食今百有餘年矣肆我君民講義春秋誓心薪膽歷累
世如一日而逮我 肅考禮修靈壇親祀 先皇噫是桮之寶
用何不使之登聞而獨於一私家而已耶倘使 聖天子寵貺
之物祇薦 聖天子昭格之香而永酬我 聖天子再造之恩
則洋洋陟降之 皇靈必也覽舊物增新感而 天朝之餘光
丁氏之世德於是而炳日月軒宇宙矣何如是沉晦之百年久
也噫物有顯晦理有否泰晦而否者時耶顯而泰者數耶闔闢
天地間固無常否之理焉有終晦之物乎試者今日大亂久矣

六箇葉上一脉 王春安知無來復時耶嗚呼千載之下對斯
撫斯而 皇極殿上君臣授受之蹟依依陸沉世界古今怨恨
之色耿耿使人有扼腕而敦仰者惟顧丁氏永世寶守之以俟
黃河之清而酌彼黃龍痛飲而相賀焉觀空公胄孫載熙氏有
序有詩不佞不揆荒謹步焉

蔡 琰

柳葉桮蜀產也 有明萬曆中觀察使丁公奉使朝京師得
天子禮遇之異以是桮來凡三耦焉子孫世守之至今爲其主
祭家祿薦用誠稀世事也其實如玉而如銅不可得以詳而制
類柳葉然故名柳葉云出自西土豈李白詩所謂西州杓者非
耶嗚呼 明天子在上昭德慎賞頻笑弊袴亦皆有待而發顧
此六葉卮不世恩數特及於萬里外僕服一陪臣之微則雖莫

非列聖恪謹候度至誠拱北之致而苟非其使乎之賢者以當帝心而不辱命其何以得此於一執玉之間哉於惟我皇朝之睠顧我東藩至矣若大紅衣雲錦牌等寵錫諸物固已非前代大國字小之例而越在龍蛇之歲皇靈遠暢宗社再造則環東土百萬億蒼生靈之得有今日一二皆皇朝之賜而滄桑一變金甌易置十九代中華文物蕩然於荆棘黍離之中而是盃也乃能無恙於一區小中華不受變於窮塵浩劫之餘而六顆柳葉猶帶朱氏家萬曆春光則杯乎盃乎豈直爲一時恩賜之大裸獻之重而已而又奚但丁氏子孫之所珍異而愛護之也哉觀察公嗣孫載熙氏恐其久而泯傳也以四韵詩三首求和於遠近士友而要不得續貂不佞奚足以闡揚其故家遺蹟萬一而於皇明事竊有所膳激而心傷者遂

爲之敬次其來韻中二律得三首以歸之而并步仙老一絕語
用寓感歎之懷云爾

進士鄭泰膺

柳葉杯產於西域昔我外高祖萬曆中朝天時思領舊物
也玉質金飾帶得無限祥光至今爲傳家重寶以此滄桑世界
覽物興傷久矣宗孫丁善餘甫爲唱四韻文林諸君子繼以和
之余雖老病旣在外裔之列義不可以無文自沮仍茲撥昏組
無聊抒追感之懷云爾

生員九九翁宋翼龍

柳葉盃古無其制而錦城丁氏家獨有之是杯也銅表而金裏
非若涇湖之荷葉杯眉山之蕉葉杯因其實而博一奇特以兩
頭攢殺中心稍長有似乎柳葉而名之也夫柳者先春而葉舒

得春氣之深者也昔晉徵士陶淵明宅邊植五柳一隅牀桑獨
葆典午之春則以桮之流傳東土安知非天意欲使 萬曆王
春寄在於青海一方不沒其碩果之微陽也耶嗟乎 神皇帝
再造東國之恩與天無極而大運已傾沴氣將熾不出五十年
而天下遂爲羶區則當時光景正似金風乍起而柳葉先飄者
也迺以六葉金杯狀出柳嫩之春色付送東槎使之永傳于文
物之鄉若有默諭而陰護之者是亦氣數之自然也且是桮相
傳云蜀產而丁氏貫錦城地名亦非偶爾抑杜工部所謂錦江
春色逐人來者非耶特其歸根之葉不于西而于東將以超然
於腥塵之表而畱照於千春也 崇禎以來我國先被兵公私
文籍舉沒于燹公之奉使中朝祇受此而未知在何年何日而
其家者傳說故事謂是 萬曆天子嘉其專對之稱旨賜以

內府之珍藏者其蹟無憑若可疑也然圉極之金章玉質正是
稀世之寶非 天子之帑則無是物也恭安忠靖兩世別有宗
而觀察公之嗣孫守以爲侑廟之器則觀察公之受此極明矣
觀察之時又當 萬曆年間則奉使而受貺其言俱不誣夫以
下國陪臣之微領 天子內府之珍者固出於 聖皇帝眷顧
東藩之深賢使臣感發 上心之致而寶物之不受污於陸沉
世界經閱百牖尚保紅羅舊色者其機已兆於圉到今數百載
之後令入摩挲有石鼓金盃之感而痛飲三盃須以一部春秋
下之丁氏之孫安知無追先烈而奮大義以酬 天王之舊恩
者乎

都事寒洲李震相

昔我 神皇帝眷我東藩與天無極而粵自丁卯神器一遷金

箱玉盟之淚匪風下泉之感今古相接遺物之見在本國如大
紅衣雲錦裨宛帶 皇朝寵錫之光而今丁氏家柳葉桮亦其
一也攬顏異制之葉葉形形已備前人之述而以若 天子內
府之珍藏薦為陪臣私廟之灌鬯則特勲嘉績之可贊可詠豈
直與紅衣雲錦比哉竊觀觀察公仗王家之重命稱 皇朝之
專對而萬里歸槎六葉遺恩物雖小而義則大矣雲仍之壽其
傳已七八世而紅羅舊物獨寓青邱一域則顯厥辟顯厥祖丁
氏其庶幾矣前後文物之唱和詩章瀉出激仰慷慨之意而寥
寥幾百年未聞一滌漲天之秀其肯曰東海有人乎醉把桮酒
可以吞漠南胡粵之風而醒能述文徒付傷時感物之晴春秋尊
周之義其在斯歟

秋洲宋

廷薰

予亦大明遺民也每誦大明處士只看花葉驗時移之句
日錦城丁君示予柳葉杯詩曰子其和之此萬曆天子寵錫
觀察先祖六葉杯也而東土大夫士之迭相詠歎者也予作而
對曰諾雖不媚於詩其於皇明舊物豈容無辭哉且物雖小
而義則大焉語其重則周室之天球也語其美則殷人之黼黻
也矧乎是杯也名以柳葉髣髴乎建章之柳汴京之柳王春
復回則遺民於此恍若復見皇明萬曆之領朔而豈止爲只
看花葉比哉然一幅神州爲大羊之天地者迄今二百餘年矣
十九世清廟東序之器蕩析無餘而獨有是杯與宣德之鑑
篆嘉靖之欄幙子遺於青邱則只增東人匪風下泉之感而
已其心以爲皇華四牡之庭躬睹天子之耿光者彼何人斯
摩沙手感涕不能自己者率皆仁人君子忠厚惻怛之心也抑予

重有感焉古而難保於今者器也而今而可貴於古者心也自夫陸沉以來時移世久邈倫幾數春秋尊周之義不講久矣罷尚留焉貴古今而不可泯者寧獨不可保哉是則非獨錦城雲仍之所可勉也嗟呼東土之人

觀岳宋 寅漢

世所寶非一寶有玉寶有金金也玉也固是寶也又或物之有異國來者則必謂之寶尊貴賜者則亦謂之寶寶其所寶皆可為寶也而至於兼此數者得以為寶則難矣如有之其為寶當何如也吾友丁君善餘家有玉杯三耦其是耶蓋是杯也其樣黑其中黃其質玉其章金其形攢如柳葉故名之曰柳葉杯余見而異之問曰子寒士也此物何為於子善餘愀如而答曰此吾家舊物也 萬曆間吾先祖觀察公帶尊對之命聘于上國

天子寵遇之錫虬玉盃公拜稽而謝受而歸國爲禮先之器而傳子孫以至于不肖焉余聞之不覺涕然而悲嗟咄者數乃嘆曰異哉虬乎是誠寶也不可以玉而寶也金而寶也又不特例以異國之物帝王之賜而寶也公襲累世忠孝之緒負一時具瞻之望風範德容聳動華夷使明天子一見異之而得此非常隆眷於萬國會同之中以傳七八世之久則虬乎誠寶也烏可以尋常器玩而視也且吾所以爲寶不獨虬已也目今中州天地變矣日月換矣山川文物盡入於犬羊之窟漆宵之鄉而獨虬杳飄然流落於海外日鮮之方不染腥塵污穢而能保皇朝舊色是豈偶然也哉古有沉水之鼎此盃又沉於海外古有蹈海之人此物又蹈於東海非得氣之先自貞之義無人物之間古今之異者有如是也耶嗚呼虬杳也其在萬曆

之前則不過爲酒器之一小物而觀於崇禎之後則其貴也不止爲玉盃而已舊物而已豈可爲君家私儲之物而置諸篋笥中耶誠以獻之於國爲報壇灌薦之器則觀察公使令之善於是乎章矣 聖天子玉汝之恩于亦以光矣又使 明皇帝在天之靈陟降乎壇上則亦必感傷我大報之誠而上帝臨汝一理默應終豈無回泰之期耶人之觀此杯者只知爲君家之寶而不知爲一國之寶只稱其玉色之美而不稱其 先朝之舊色則如之何其可也必也不以玉觀玉而必求玉中之玉不以杯爲寶而必推杯外之寶然後可以得此杯之義矣

權應辰

日丁君善餘甫示余家藏柳葉杯詩蓋其先祖觀察公朝 天時有賜齋來者也噫 皇明舊物歷幾百禩爲丁氏耳孫所

寶藏若余不文固不足以揄揚萬一而亦不敢孤負丁君盛意
遂次呈可無博粲否

正字黃

麟采

孟元六枚祭三代之禮也其相質之義形制之異諸先輩序若
詩詳矣更何贅哉然此亦不必論也苟是天子龍錫之物則
雖瓦樽土簋之質且朴其爲寶也不翅若魯璉周瓚之貴而况
是杯也其實美其制異其名柳其數六而闕樹界數百年獨無
恙於一隅偏方陪臣之家哉於處東土君民皆朱氏遺氓也
觀是盃孰不摩挲感涕而又况吾先祖觀察公專對之日所以
拜受於皇庭者乎左可感而可涕也雖非天子所賜而只
繫自家青氈之物子孫寶藏之傳受之要久不失而此杯是何
等重器中州之陸沉已久皇朝舊物蕩盡無遺而獨是杯也

宛帶 聖天子眷遇東藩之恩而如復見於今日則豈特爲子
孫傳受之寶而已哉茅根屢經兵燹文獻無徵不知當日所許
者何事所以專對者又何以稱 聖旨而得異數若此也則子
孫之感又何如也觀察公逮我躬凡八世而至今裸薦用是極
禮也子孫當世守益劫追遠之感采篤慕 聖之義則亦足爲
感發忠孝之一端矣若曰至寶必無終秋之理敢生自售之心
則誠妄矣以余不文何敢醜縷於諸先輩序述之下而爲子孫
者亦知其此言之有在則是之爲寶豈有窮已哉嗚乎

八代孫 義選

銘

於皇神考臣服萬方車書一統玉帛梯航時維丁公原濕于
朝 皇帝曰噫邈矣賢勞不有嘉貺曷以懷來予以賜之曰柳
葉杯以大挹小王者德也中黃外玄天地色也先王制禮大夫
三廟以灌以薦益勉忠孝公拜稽首 聖籙無疆參墟寶氣鯨
域榮光神器忽頌文物遂變於穆 清廟瑟瓊誰薦顧惟東海
不作桑田名家舊物蟬蛻胡天秦垢莫汚豈必淪泗 王福禾
艾永用將事摩挲手靜思感傷興言東隅黑子人物渺然階蚊籬
鵲聲臭無傳維公德崇三世謨猷際會昌辰夢鈞觀周才優專
對寵極申錫是以天東有以爵方三韓一域 萬曆遺類堯
封既改漢制愈貴神人所寶遠邇爭先欄干軟巾永世同傳凡
我士類暨爾孫支千金十龍衣勿替護持匪惟公懷 神考是思

進士抱爐金 靈景

詩 五言

帝曰咨汝臣卿來重幾譯逖矣海外邦恪謹守侯職篚厥玄與
黃棉航聘上國前後使來臣人皆英俊特惟其敬謹入於卿朕
始覲 帝曰來汝臣何以寵予錫金銀非所貴玉帛不稱德朕
有六葉丕可亨三世禰汝歸奉汝祀祿薦用是爵乃祖陟降靈
庶幾來歆格 帝曰恪汝臣無忘朕恩澤仁人孝子心孰不感
且激公乃稽首受藏懷謝僕僕 帝德乾坤大繳外視內服愛
臣及其先賜爵禮禋式盥齊斟酌時榮幸天地極赫赫我皇
德世世服無斁時繫月姥繩合沓源萬福傳宇綿七代日月垂
三百世無博物人孰能下名色砂脫非鑄銅金聲疑是玉或云
類柳葉或取數止六柳六發音近欲詳不可得善家有餘慶寶

憫
禪存舊卓 帝業已墜絕神荒竟虛擲杯猶含舊恩摩沙手足嗟

蔡 溱

古恠黃金卣 天王萬曆春小邦同內服殊錫及陪臣俯仰今
何世飄零獨以珍 皇壇曾見魯制度出今人

縣監成 永恩

詩 七言

金甌久擲漆宵鄉 玉鐔猶含舊日光一昧天根應不息也宜坤
月必稱陽

仙溪權 壩

憶曾萬國覲 神皇底貢仙杯自蜀方異制做成青葉揅餘醺
宛帶紫霞香 雙及雙適用三龕薦世世傳完一寶藏 天子寵恩

知非謬荃心應照在中黃

世人徒愛孔方兄至寶誰知柳葉形玉映金泥三耦羨樽傾春
酒十分清 皇恩發瓊林貯藩聘榮登紫府行江漢朝宗今
底處匪風餘怛惱輿情

衰草寒烟鎖 帝鄉獨畱柳葉保春光乾坤長夜何時曉復覩
中天掛大陽

黃履大

玉爵携來憶 聖皇西夷收貢龍東方煌煌不改千年色葉葉
猶含 萬曆香無復中州餘舊物幸從華表見遺藏煩君世守
長無缺泛以東籬秋菊黃

趙葵陽

玉單三雙白 聖皇形如柳葉不圓方尚含 萬曆金莖瑞宜

薦靈壇爵鬯香華夏百年今大沒
王春一脈此中巖爲君世
寶無疆在何日河清更籙黃

玉節當年聘
帝鄉寵領珍物永恩光滄桑此世能無恙保得
天東一線陽

蔡
琰

壇名大報祭
三皇六葉
王春海一方太室天球周舊物建
章宮柳漢餘香陪臣當日承
恩賜私廟千秋有寶藏二占何
時同薦裸神州重出拓衣黃

李
源祚

明庭罷錫燦皇皇異制不圓又不方帶得當年
恩禮重留傳
永世苾芬香百年華夏衆田變
萬曆王春柳葉藏倪仰乾坤
惟有淚薇歌一曲酌籙黃

於難忘我 聖神皇再造恩深孰可方
皮幣百年著莫雪靈壇數仞祿空杳
偏憐當日珍玉寵高出千秋弊袴藏
安得漢宮儀復見重尋舊路籠玄黃

休言趙璧價連城愛爾金精象葉成
北辱忍隨虜酌洗東頌幸逐使車硬
即看左海波稍淨倘得黃河水復清
舉酌問天夫不語故都殘柳謾含晴

鄭葵膺

舊使恩光憶 聖皇翩翩六葉落東方
賜心爭似彤弓寵到手堪誇藥玉香
萬曆乾坤遺澤在三韓詩禮古家藏
摩挲不忍說前朝事酌彼宜浮粟里黃

青青楊柳在春城五樁何年變化成
充筐昔從鳬域遠隨槎更越鴨江橫
崇禎曆後悲天醉大報宜邊喜海清
莫用器非求

舊語東人到此孰無情

肯與駘置序弟兄不將金玉倭容形三龕香卓誠同奠萬福華
筵禮共行涸酌清泉泉是醴遠舍殘日日猶明重傷舊甲冑難
近桑海隣渠獨保貞

進士金

燁

不復中原有聖皇下東餘思最東方銅爐已劫滄桑感玉罍
今省柳葉香萬曆元年天子賜丁家七世後孫歲持丕更
詠皇華曲尚憶當時筐厥黃

玉帛車書舊帝鄉何年使節近龍光君家柳葉千年色獨
帶王春一脉陽

進士權

正玉

箕封遺老泣神皇仙罽何年罷遠方玉質宛成宮柳葉金文

草書公遺集附錄卷之二
猶帶御醪香無憑萬曆年間事依舊名家篋裏藏把玩顧
瞻周道翰皇華無地貢玄黃

鸚鵡鸕鷀互弟兄爭如玉質自成形奇紋幾泛皇王酒盛渥
曾沾遠价行東來畱作名家寶北望無期海岱清江漢朝宗迷
舊路把杯高詠不勝情

進士金
重璜

玉卮曾自詠皇皇異制非圓亦不方葉葉精光三世渥雙雙珍
彩九天香滄桑界裏迺塵穢舊使家中作寶藏上帝瑤宮猶醉
否一清消息問河黃

玉節何年赴帝鄉雙雙六葉摠恩光雲孫永世珍藏地明
制猶存漢水陽

權
重機

擎瑣稽頭 萬曆皇陪臣恩寵擢多方金光巧作龍池葉玉質
偏舍 鳳殿香上國百年沉鼎器古家七世有珍藏何由奉獻
風泉外洞酌盞齊灑灑黃

珪觥六葉落桑鄉薦廟登筵倍有光如見相公稽拜日燦然文
物在峽陽

正字朴 重慶

把杯垂淚憶 神皇 珍賜分明出尚方葉葉裁成宮柳樣雙
雙猶帶 御醞香 朱氏域中無舊物君家篋裏見遺藏朝宗
古渡何時向未覩河清我髮黃

進士趙 普陽

何歲星槎近 玉皇三雙金罕麗箕方紅羅瑞色斑斑照宮柳
春容葉葉香中土百年無舊制高門七世有珍藏憑渠爲問風

輪數幾日河清一帶黃

李賢鏡

陪臣昔日拜

瑤皇

內賜宮桮出尚方玉質玄玄天下寶金

泥點黥案前香蕃邦許作私家用世廟同隨祭器藏裸薦時時
歌聖德恩波洋溢尚流黃

進士蔡

溥

星輶當日賦華皇雙鰲自天龍遠方異制圓尖楊失葉中心
瑩潔酒清香名家有嗣瑤醴保清廟無人瑟瓚藏虬器乾坤猶
碩果一陽尚在血玄黃

金正夏

百載

瑤宮醉

玉皇中華舊制但箕方最憐柳葉君家寶猶

帶

龍樓細篆香博望仙槎何歲泛午橋

恩賜至今歲持盃

莫向西流洗腥穢崑河萬丈黃

柳葉何年自帝城天然制度酒杯成
神皇舊賜今猶在志士悲懷淚謾橫
正合書生中夜飲何時詞客撰何清
持來欲酌黃龍府更慰西湖夢告情

何論高價萬錢兄非愛奇珍六葉形
寵賜皇恩今日感塗山會玉昔年行
制從西蜀何方出時則中朝瑞旭明
可惜金甌終未保東人何以效忠貞

李徠

燕南父老泣神皇何處乾坤見大方
綠葉三雙湛露色紫泉千一瑞霞香
甲申年後無窮痛丁巳家中一寶藏
大報靈壇明亨處願添斯爵奠蕉黃

葉落東天海外鄉春風御柳大明光
即今上國無名器誰

後皇華浴水陽

尹德恒

君家寶自大明皇恩賜天心罷海方覽占想盈丹陛液

使衣應惹

御鑪香低垂宮柳雙三葉邈代雲仍十襲藏制度

中州無處做空傷玉璫在中黃

神皇寶馬白雲鄉

御賜金杯尚有光誰識桑塵變遷後依依

柳葉宛春陽

太應瑞

手把遺杯感

聖皇何年此物自西方

恩霑使節天同大器

用先祠酒并香垂後有光人盡慕從前無價世誰藏對茲悵望

中州路目極腥塵日色黃

黃濟大

撫盃如對我 明皇制度非圓亦不方 萬曆年中經大酌扶
桑影裏守孤香何時 帝榻雙雙錫累世君家繼繼藏柳葉祥
光猶有恨古堤無復帶春黃

李 杜

才能專對感 神皇增重吾東海一方玉鐔恩光三代燠星槎
遺蹟百年香 桑塵縱變中華世柳葉猶全舊制藏亦有吾家三
寶在清芬人誦翼成黃

黃 亨夢

君家玉鐔受 天恩非是尋常眾寶方 龍錫并從雲錦燠
恩光爭與幙欄香寧隨晉世馳荆沒不讓周時鼎泗藏佇待河
清陽復日筐斯柳葉替玄黃

天朝舊物落吾鄉猶帶當年日月光可惜神州長夜晦窮陰何

處啓三陽

權應辰

壽亭何日哭 先皇北望今非舊
冀方爐篆空留 宣德號花
名虛帶 大明香誰知海外丁家寶
曾是 天朝內府藏六葉
煌煌光不改依然賓席瓚中黃

皇靈陟降白雲鄉對以如承 龍錫光日落西郊春色暮不知
何處是昭陽

進士金成胤

星輶昔日覲 后皇拜受玉盃出海外名繫 大明宮柳影器
含 萬曆爵金香百年宗國歸灰劫七世陪臣作寶藏屹彼
靈壇崇報地端宜替薦在中黃

何年異哭落遼鄉小國陪臣與有光誰道衣冠掃蕩後還同利

果保殘陽

金東協

邈矣當年覲 聖皇今看遺制在東方形成六葉啣 恩溢氣
吸三島歛酒香世德有徵聘价日寶光無恙篋笥嚴偏憐下國
無窮眼久閱西湖貢篚黃

洪大恒

大明 天子昔吾皇四表餘光被海方玉節何年承 帝獎金
杯六葉帶醞香臣露 聖渥三倉龍用孫守祖貽七世藏舊物音
來增感慨 大壇宜薦在中黃

李 炯

聖主簡賢 聘上皇孟從西域至東方珍痕尚帶賔筵醞瑞氣
長含 御榻香君子流芳五世澤仍孫思孝百年藏願斟一葉

精禋日將奈哀慵髮已黃

帝鄉珍兕及窮鄉至澤長留百世光嗟晤今時桮異柳獨無春
日舊昭陽

宋 翼龍

仗節煌煌拜

上皇參墟攸產耀箕方形肖郁葉瑚璉美 恩

滿玉桮芬苾香萬鑑黃金何足貴九重 寵錫受言藏堪嗟寶
器空傳世中土幾年曠篚黃

星槎當日返桑鄉裝璜玉桮襲耿光累世傳家猶宛爾何時再
見復春陽

都事權 達國

久矣瑤宮醉

玉皇美人消息寂西方何圖滄海桑田後得見

遺桮柳葉香

天子昔年恩以賜陪臣末世寶而藏至今把作

蒸嘗用絕勝周家賚乘黃

蔡九一

煌煌使節拜 天皇進慶三元會
萬方葵藿向陽誠摯篤乾坤
覆物德馨香一時殊渥今猶記
六葉稀珍世所嚴用薦三合龍
眞成禮寶光悠久葆青黃

季札觀周返海鄉百年遺物帶
榮光遙瞻大報心多感佇見
中州到復陽

權翼洙

匪獨公懷憶 聖皇神人思寵耀
遐方未央柳分叅差葉宣
德鑪移必馥香通國無雙宗器
在傳家滿七舊韞藏堯壇淚入
杯心滴周廟誰將瑟瓚黃

金翼景

六顆金觴瑞色皇竒模非產海東方相公當日稱專對 天子
龍光帶異香神器變爲腥穢地寶鉉今作虜酋藏君家獨係華
遺物誰向壽亭酌彼黃

朴成楷

朝天時事說 明皇執玉今誰向冀方文物蕩然塵跡舊寶卮
宛爾 御鑒香偏傷志士前朝感最變名家後裔藏專對恩光
煌六葉 明廷如見篚玄黃

洪大觀

緬憶丁公拜 聖皇便以潘寵賚耀箕方皇華玉節含 王命柳
葉珍杯帶 御香竟使中朝內帑物只爲東土故家藏于今忍
說 皇朝事黍淚重添菊泛黃

萬曆王春入 帝城三三柳葉化工成龍光特荷東藩重瑞彩

遙干北斗橫舉目神州皆染汚傷心舊物獨全清何當拜獻吾
王側 大報壇前慰 聖情

文學梓宮崔

昇羽

星輶當日詠華皇 恩賜珍盃耀遠方六葉 王春依舊色三
合龍私薦薦遺香人情忍說端門淚天寶宜爲永世藏蒲酌瓊霞
無限意千清消息問河黃

判書顧軒鄭

來錫

下泉悲淚想 神皇柳葉何年落遠方玉節榮光遺古澤金文
華色帶餘香樽前幾作三合龍寶篋重猶完十襲藏感舊傷今增
愛玩傳家不啻滿籩苴黃

鄭游龜

大報壇崇憶我 皇風泉餘淚最東方何年使節翩翩去是日

王春葉葉香天地蒼茫朝海路鬼神扶護故家藏傷心萬
曆宮中瑣誰復峨璋酌彼黃

黃

麟采

玉帛紛紜朝聖皇瑚璉才器罷東方錫以六杯堤葉樣倣於
私廟澗蘋香豈無天下奇珍有孰與南廷舊物藏漢水寒波
鳴咽逃公靈應泣在中黃

李植春

錫拜隆渥感神皇懷寶歸來聳四方金車玉衣光吐瑞春
嘗夏禴灌添香先賢遺澤依依在後裔深誠襲襲藏回首乾坤
桑海變星槎何處篚玄黃

蔡洞

匪器之嘉受我皇皇朝舊物見邈方天恩葉葉留春色涸

酌雙雙帶爵香觀國百年稀古典傳家八世至今藏丕乎試問
中朝事宮柳年年誰爲黃

黃觀大

何年賢祖詠原皇寶罕殊 恩出尚方烏綠春回宮柳色蟠葱
風遞 御爐香明裡孝子三倉龍用珍重君家七世歲手撫却增
桑海感爲誰今日篚玄黃

柳聖能

乘槎海客感 天皇錫履 恩光出尚方美制陰垂宮柳色清
儀曾惹 御鑪香移將 萬曆雙雉彩畱作三韓襲襲蔽丁氏
門間從此大簪纓世世幾焚黃
拭玉當年至 帝鄉清儀咫尺櫺龍光 宸心嘉乃優恩貺知
把文章動洛陽

安 維世

桮傳六葉頌 神皇異數當時孰與方
瑞彩雙雙活 睿澤清光箇箇蕩
天香不惟乃祖能專對多智賢孫善護
歲却恨中州天醉久濡毫書史泣花黃
拭玉當年聘 帝鄉金桮六葉帶 恩光
回省大報 靈爐火與爾共扶一脉陽

告貝安 見龍

神荒沉淪喪舊 皇中朝遺制覓何方
仙桮宛是雙明寶宮柳依然六葉香
在昔 恩光天陞賜至今奇玩古家藏
欲酌清醪澆礪礪百年河水久渾黃

金 繼

千年遺寶閱 神皇尚帶 王春耀遠方
外飾婀娜宮柳葉中

合醲郁蔚金香海東獨有君家守天下人誰是器藏杯面欲書
明甲子潯陽籬畔菊垂黃

李孝三

異數何年自我皇賓廷佳貺落選方彩藻尚帶王春色金
華如承玉露香周澤偏深爨鼎器韓亡誰思鐵椎藏千秋志士
無窮恨忍向簪庭篚厥黃

宋翼台

祇奉柳杯拜我皇柳杯何年寵選方金文宛帶王春色箇
箇猶含紫蘂香朱氏域中何所有丁家篋裏受言箴即今天醉
醒無日殘柳荒都謾帶黃

王春六葉落遐鄉丁氏家中百世光柳絮何曾北流去東方眞
似晉潯陽

草部公選集附錄卷之二

李寅馥

令公當日觀 明皇玉鐐煌煌下遠方
披玩尚依春柳色 擎來如帶御樽香
滄桑世界猶能保 避土塵箱幸久藏
曠感欲題瓊罩酌筆端 聊浥菊英黃

林奎

憶曾侯服 大明皇玉帛車書統萬方
仙醞泛盃飄柳葉星槎返海帝天香
百年江漢無歸處 六片奇珍有虬藏
會待西湖除禁日 春風快倒蜀州黃

柳霽

恍惚天杯落 玉皇羨人恩寵自西方
濃身禁苑青青色 罩腹仙厨灑灑香
黑羯敢專昭代寶 滄桑遠隔故家藏
分將一葉輸王府 大報壇邊盛鬱黃

縣監柳

塗

兵亂龍蛇 萬曆皇恩同父母我東方當年內榻宣頌後今日
丁家灌薦香柳葉長承仙露滴玉英還笑海苔藏凭茲忍說中
州事何處棠華白且黃

持平權

相龍

孟名柳葉自 天皇妙制非圓亦不方六片 殊恩當日重三
龕清酌百年香格誠并及陪臣寵昭德仍為舊物藏器在人亡
多感慨况堪忍恥奉篚黃

李重祿

憶昔令公覲 聖皇 天朝 恩賜及選方粧來 御柳雙雙
翠帶得仙醪苾苾香豈料西州侯服貢永為東國士家藏星
韜 舊路悲桑海忍看胡酋着柘黃

金 德亨

伊昔中州我 聖皇鴻 恩偏重海東方星槎縹水千層濶王
帛鯁岑庶品香旌宿百年猶 帝醉柳杯六葉舊臣藏悲歌撫
劍時西望更待河清一帶黃

鄭 彦修

四海 恩深 萬曆皇 天朝舊物錫遐方似玉似金殊制度
匪號匪占挹馨香一匱并六盃形合二用兼三酒禮藏寶器空
餘淪沒後中原無路篚玄黃

權 進德

六杯曾受 大明皇浩劫無虧嶺一方形似漢時僵柳葉挹如
周廟爵金香紅羅舊物惟茲寶永曆新書更孰藏緬憶朝 天
當日事紫雲宮闕坐軒黃

立齋鄭

宋魯

何年專對 大明皇恩錫非常寵遠方六葉極成宮柳樣九重
春散 御醪香誰知外國陪臣宅獨保中州舊物藏 盛德先
王如一見增輝當日嫩金黃
風泉曠感五雲鄉當日陪臣覲耿光明家舊物極猶在佇見天
心利後陽

盧

宗玉

柳學參珍出顯皇星輶隨轉輝翼之金章縱寶儒忠寶爵豈非
香 帝德香萬里同來先廟薦百神相護故家藏傷心舊物天
涯外猶帝 明春葉葉黃
全幅紅羅入袞鄉六杯超出葆前光時時宛與公靈會寶氣忠
精貫太陽

朴 問 鐘

恩賜何年拜 聖皇三雙葉蓋著東方質惟金玉成規制禮用
承嘗薦苾香閱樹瀛桑凝瑞彩憑懷 御柳護珍蔭紅羅此物
頻寄古忍說朝天篚厥黃

權 弘 模

鴨綠江頭憶 舊皇憑添垂淚向何方桑田忍見 王春古柳
葉猶痕 御醞香萬里輕樓承寵澤一家清篋耀珍藏枉心欲
裛籬花露晚節寒叢獨也黃
瓊觴恍惚落仙鄉歲得名家百世光把玩不堪棄海浪禾央烟
柳鎖殘陽

金 擎 昊

堯柳春城謁 聖皇恩蓋如葉自西方丹衷不改滄桑恨綠質

偏舍析木香非玉非金天下寶如璽如瓚廟中藏也知恢復神
州日史奏東天瑞彩黃

李秉樸

金箱玉盟泣神皇尚幸超然出我方欄幙至今嘉靖制璽
花依舊大明有銀河若酌腥塵洗北斗難斟寶彩藏慎德當
年惟器用華人傳說蜀篚黃

都正公臯宋天欽

東風行邁詠華皇一禁王春寄遠方青海謳歌猶舊服紅羅
雨霽尚餘香培臣等對三合龍宛天子殊恩百世藏此物若教
泰大報應隨瑟瓚共流黃

春風來到錦江鄉帝昫皇曦若覲光淪鼎山河丕獨守青青
宮色帶昭陽

進士鳳下宋 楊翼

蕉葉軒張橘后皇奇匠從古自殊方
邦知押海傳家寶由是惹
明廷賜醞香感慨東風紅豈叫飄零
西序赤刀蔽攢形不遣腥
塵染宮柳依然帶嫩黃

使帝何年達 帝鄉金盃摘疊拖
恩光 萬曆皇春寄六葉
東朝載去護徽陽

李震相

聘使中華拜 上皇蜀西收貢每東方至今猶帝
三春色感
舊如舍 御酒香 萬曆年間恩賜重
三龕廟內耀深藏愈金
愈玉傳來寶誰識其中點點黃

六葉珍杯萬里鄉依然獨帶舊春光
大明時事因追想桑海
茫茫淚夕陽

松臯郭 淳

何年上國使華皇 內賜珍盃出尚方
箇箇軟金宮柳樣雙雙
凋玉 御醞香忍著諸夏三桑變獨寓
王春六葉藏樛薦雲
仍須拂拭腥塵不敢汚流黃

判書遊軒張 賜龍

使華原濕詠皇皇 皇曰賜之自尚方
綠葉猶含禁苑色紫烟
惟帶 御鑪香春秋禮備年年享山海
思深世世藏觀德廟
前殷薦際天然玉瓚在中黃

竹下張 錫穆

星槎萬里拜 瑤皇聖眷偏深海外方
六葉春光分上國雙明
世寶許中藏制同瓊玉嫌常襲斟合爵金襲異香遺與雲仍勤
奉守片青不啻滿籩黃

小林李 根漢

長夜乾坤憶 我皇陪臣寵錫耀東方萬千里外 天恩重二
百年來柳葉香運不循環羞莫雪寶無尋常久猶藏于今却恨
前朝事採薇山中晉菊黃

李 以鑽

何年上國使華皇 天賜金卮出尚方 萬曆王春留舊物九
重仙醞挹餘香端宜 大報壇中薦遂作陪臣廟裏藏安得駐
來東海水神州一洗穢塵黃

李 以級

恩光葉葉頌於皇 御柳春歸左海方庸寓襟芬當日感猶餘
秬鬯舊時香雙雙 天陞心中貺世世公家廟裏藏付與來雲
勤拂拭腥塵不敢汚流黃

參奉李鼎相

明時何幸使華皇念彼周京貢職方航海偏勞朝王節宮鑿猶
帶御鑪香遺民不盡滄桑淚後世堪傳廟器藏葉葉王春
看髮鬢建章烟柳嫩金黃

宋 寅護

百世吾東泣聖皇海涵天覆一偏方王節躬逢全盛候金杯
心醉至治香忍看華夏三桑變獨寓王春六葉藏當時龍
錫由專對廟食端宜裸舊爵黃

宋 廷爽

受命吾王拜上皇蜀西珍物海東方嘉乃天朝恩寵
異薦于祖廟必芬香南國千禩懷古恨大明六寶至今藏青
青柳葉錦城宅便作淵明泛菊黃

金洛應

陪臣稽首拜 吾皇歸卧鄉山天一方九重難忘 恩澤賜千
秋猶帶 御爐香渭城朝雨青青色廟宇春秋世世藏穢德至
今斟酌去運環何日清河黃

石西呂轍行

何年杖節詠華皇去國孤臣望一方 萬曆秋深桑海感九重
春醉葉杯香消埃未報裏壇屹礪帶同盟寶券嚴 聖代容儀
難復見悲風淒帶粟籬黃

六葉飄飄萬里鄉舊宮春秋和炬光摩沙手感涕 明朝制杯捲
如新見太陽

金箕應

何年玉節拜 神皇葉葉宮杯表遠方 萬曆恩光餘舊罍錦

春色至今香幾千里外承 天賜二百年來瘦海藏酌彼朝
宗江漢水時憑北使問河黃

宋 汪藻

丁公持節拜 朱皇六葉 恩盃落遠方無地可酬同瑁頌自
天如降爵金香三千里外殊邦獻二百年間古 廟藏冀壤已
遷神器重一丸那得冀中黃

居觀金 台應

原華當日詠皇皇 內府珍盃罷外方周道匪風長寓感漢盤
甘露尚畱香至今傳說雙明寶求舊端宜百世藏六葉 玉春
移左海忍看煎柳嫩金黃

進士李 海宗

觀察公曾拜 聖皇杯杯煌煌耀箕方裁成 萬曆王春色畱

帶三雙 御酒香 上國嗟無依舊物名家猶有見遺箴擊來

倍劫 天朝事書史桑田淚菊黃

畏菴李 鎮華

鮑星拱北觀 天皇六葉春歸海一方十里籠烟依舊色三桮
和露過餘香忍聽紅豈民謠咽留作青氈廟額歲閱變滄桑齊
感淚關河漠漠漲塵黃

澹窩李 雲相

聞來此物自 明皇玉質金含首尾方種德家中無盡寶薦豈
壇上有餘香祇承祖烈人人警感祝 天恩世世歲柳葉蒼蒼
猶不足萬年春氣酒玄黃

晚睡崔 永鈺

當年使節拜 神皇柳葉三三落遠方詩歌為廢周泉冽恩賜

眞同漢署香 萬曆河山成浩劫一家光氣在珍藏
願斟東海千頃水滌盡中州穢侵黃

金秉護

奉節當年拜 上皇皇恩偏重海東方奇珍特賜臣隣
詎禁苑頻傾 御酒香含春嫩葉年年在押海名家世世藏
題來晉史尊周義酌以淵明菊露黃

裴震淳

天朝宜賞士思皇柳葉其杯賜遠方外面鍛金模
娒嫩中心盛酒味清香丁巳年年行獻享子孫世世敬持
藏 御斜當日三雙色猶帶 王春久不黃

此葉何時落渭城 皇宮飛入做杯成
藏似韓袴頻笑愛賜如裴帶送門橫
南面多年賢必眷東方奉使善同清
蒙賞千秋爲

第一挽河難酌 聖恩晴

私不相傳弟與兄茲丕盛尊重摠奇形還輕杜老金銀擊猶勝蕭
侯劔履行幾百年來真貴寶數千代去感 皇明至今忍說

前朝事六葉惟存自守貞

錦伯公家何處鄉祠中杯物隱榮光後人問識其遺蹟葉木春
天獨向陽

金 國永

憶昔星軺拜我 皇恩霑寶氣落遐方 御柳秋飄留瑞葉仙
桃春醉吸天香二百年今腥臭漲兩三枝古世家藏更囑雲仍
傳得謹千清他日酌河黃

李 承熙

聖朝受賜拜 神皇歌頌天涯海一方化羽飾銀豈物寶介眉

梅兒酌春香表賢當日
殊恩重種德其家永世藏六葉青光
長不變猶愈玉白與金黃

呂原聖

原濕之間彼皇皇周道逶遲海一方渭水城西唐舊使建章宮
裏漢餘香盛世殊恩何錫予先生寶器永修藏化若醇醪頌
賜重九秋當日醉柑黃

東漸仁風布春陽
桮中楊柳賴有光
許久塵愁猶未滌
那當化日舒而長

呂心淵

茅屋人思祭我
皇悲歌自作海東方
誰知七世陪臣宅尚保
王春六葉香玉質金章看愈古
殷瑚周瓚愛兼藏
桮心欲寫中朝甲
祠外寒花露裊黃

七代孫進士 載老

箕邦再造賴明皇
劫後遺民即一方
神咒百年今日穢金杯
六葉舊時香
吾家七世傳來寶
古制三龕奠後藏
酌彼朝宗于海水
每因歸使問河黃

六葉宮杯落遠鄉
皇家三錫寵
恩光昆明劫後看
猶在禾黍叢殘淚夕陽

七代孫 載大

皇明日月耀箕鄉
玉鐔餘醺帶耿光
可惜中州長夜晦
葵心何處向傾陽

六葉煌煌自帝鄉
五雲何日帶恩光
殘孫永守窮陰會
天意猶存保一陽

七代孫 載熙

皇華詩誦禮 神皇寵錫東藩首萬方
昭制陪臣形柳葉歸思
先廟酌金香百年 王國經塵劫七世
吾家作寶藏灌薦其能
忘 聖德嗟今無地貢玄黃

七代孫載權

憶曾吾祖覲 瑤皇六葉 恩孟耀遠方
從古風泉志士感至
今滄海寶卮香福州欄幙寧專美
宣德條環并護蔽西望只
增輪膳激何時復見一清黃

至寶從何此僻鄉 天王恩錫舊春光
嗚呼 萬曆年間事獨
把遺杯淚夕陽

九代孫文教

憶曾吾祖拜 神皇六葉恩
杯出尚方異制定宛成宮柳
樣餘醺
猶帶 御醪香
獲承華夏前朝賜祿獻春秋古廟
歲欲酌千年

清後水舊都塵滌問河黃

十一代孫

箕慶

跋

余友錦城丁善餘爲其七世祖觀察公使 大明時 神宗皇帝所賜柳葉杯六隻作詩以歌其事於是遠近親知爲序若詩以媿之者凡幾篇至有初不與善餘相識而聞其事而和之者吁何其盛也余嘗病今之人於其先故所遺雖無甚可異焉必爲之求詠歌於人迫之而後不得已而應之而徃徃笑與譏踵而至若是者殆不可以已邪求所以彰之適足以累之今善餘之爲也固異於是偏國一使介得 天子寵錫如是非善於職能之乎歷七世而傳守無缺非護之勤能之乎是固未論其相質之如何形制之如何固已爲可歌也已而使義止於此不過爲一家之私而已今神州之傾覆凡幾年矣東國 君民未嘗一日忘 明皇帝之賜而不得西向以伸大義者凡幾世矣意今百

年之內凡朱氏遺塵賸物當已蕩殘銷毀無復存者而中州舊
民亦久已不復記有明天子矣是盃也乃能無恙於興亡劫
火之餘使見之者無不兩淚覆面而增風泉之慟是左不可以
不歌而非若前所謂一家之私而已也不然其何能致多如是
而又未聞有倦焉而勉爲之哉余懼夫或者不識此意而猥與
今之人之爲者一例而視之也於是乎書其卷後以遺之善餘
謂余不可無詩余固不能詩且諸賢之述盡之矣又何容贅而
崇禎紀元後百三十有六年癸未暮春咸陽朴申慶謹跋

建院修楔通文

若文爲通諭事伏以太賢高弟舉切尊慕之誠重恢蓋臣合有
崇報之禮恭惟我顧菴丁先生親炙陶山承受旨訣師門獎與
之意多發於往復書劄之間見於遺集者非特一二板也又載
桂東國名臣錄其學問之純正大可見矣粵若草菴丁先生當
龍蛇倡獫之際宣廟委任南藩煌煌教書不翅累百言而有
曰自乃父服勞我先王厥有嘉績又曰卿其設險要害
先定控扼之計措置糧餉急講接濟之策作東南之保障壯關
輔之藩衛云云先生受命以來仰體付托之重俯軫宣撫之急
相機應務轉漕挽粟一夜之間鬚髮盡白及其歿也上大加
震悼特賜祭文而其中清操雅望擢秀儒林兩句語不但贊昔
功業而已也名載原從一等勲錄及壬辰正氣錄神宗皇帝

賞賜柳葉杯六枚至今裸薦于本家廟享 正廟己未冬因巖

臣 筵奏優加 批旨曰柳葉杯 神皇之寵錫陪臣也與

宣德中所頒條環刀劔同一輝映於下土而至今流落於嶺外
泯焉無聞餘二百年始得知之事非偶然采增寤歎甫既言之
亦曾奉玩其杯云云爾其李先生大憲公履歷清要寵渥隆洽
與仲氏先生同值寇亂竭力勤王及 大駕西遷時適病劇在
伏不能自力而以爲喬木世臣忍見君父之播越一縷未絕烏
敢宛轉在家乎遂決意強起舁疾舁 駕艱赴嘉山竟至不起
即壬辰十月日也 上痛惜之不已特 贈領議政愚伏鄭先

生贊公墓碣其略曰公資稟粹美志行醇實自在童中服勤弟
子職逮從仕猶不怠供滫瀡省寒煖好讀書公退輒開卷劄記
先賢格言以備服膺尤喜論語手自淨書靜時每端拱展讀居

經幄講說精確而盡其委曲在臺省持論平恕而不為吐茹云
云卽此信筆槩可見先生學行之萬一也嗚呼先生兄弟偉資
碩器篤生一室精潛道藝見推於大賢之門殫竭忠勤贊成乎
中興之業道德勲績若是其後偉光大者莫非聯床講學中一
串事業而功存社稷業垂後裔允合乎歿而可祭於社而惜乎
本孫單弱財力隨匱因循歲月易簣數百年迄今無一畝宮虔
奉之所此雖斯文未遑之致而庸詎非百世公議之所共深慨
者歟大義所在自鄙鄉爲先聯名修案而募伏念事係共尊不
可一隅擅議茲敢略陳遺蹟輪告鄉道內秉爨同好之誠想無
異同伏願僉君子合謀收議以爲一體共敦之地幸甚

己未十一月日制表通朴周鏞發文時爬任不盡錄

宋十一月日...
...

同六...
...

下...
...

皆...
...

...

...

...

...

...

...

吾先祖草菴公以宣廟陪臣持節拜天朝天子特異其
文章卓越寵錫以是桮桮凡數止六而樣柳葉然故名之曰柳
葉桮也修藏而爲世世標薦之器思孰大焉寶莫重焉但累
經兵燹之餘又從以有回祿皇華詠歸之年紀使命幹事之根
目平日著述之文字所巾行之藏而未剗刪者終爲湮沒誠可
歎悚也而只存書二幅詩一首蓋先祖秉德純慤律已清簡家
學相承源流有自發之爲文辭者雖片言隻字本源性情之正
而要皆理贍詞約不爲夸多闕靡之習藐諸不肖豈敢阿私於
其萬一哉曾吾從高祖既序其事述之詩以求和於當世秉筆
之君子而祇于今繼志而收錄則幾至篇帙之成樣故因譜牒
之役而印布於各處子孫而不肖又敢作小說把盃感泣而西
顧也云爾

崇禎紀元後五庚子仲秋初吉不肖孫永慶拜謹跋

草菴公遺集附錄卷之二終

